


## 2023ko ekainean erregistratutako langabezia


2023ko ekainean, 1.896 langabe gutxiago erregistratu dira LANBIDEn bulegoetan (% 1,77ko jaitsiera); ondorioz, 105.379 langabe daude guztira. Ekain honetako portaera ohikoa da beste ekain batzuekin alderatuta. Hala ere, hilabete honetako langabeziaren jaitsierari buruzko datuak, aurreko urteetako datuekin alderatuta, baxuenetakoak dira.



Ekainean erregistratutako langabeen kopurua horrelako hilabete batean txikiena da 2008tik. Ordutik gehien hurbildu den ekaina iazkoa izan zen; azken hilabete honetan baino 6.077 langabe gehiago zenbatu ziren.

Gaur egun, erregistratutako langabeen kopurua 2013ko martxoko maximo historikotik 73.962 pertsonatara dago; orduan izan zen 2008an hasitako krisiaren unerik txarrena. Gaur egun, 2007ko ekainean baino 34.424 langabe gehiago daude; orduan erregistratu zen azken hamar-kadetako minimo historikoa.

Beste ekain batzuen balio maximo eta minimoei dagokienez, urtaroen eragina neutralizatze-ko, aldeak pixka bat murrizten dira balio maximo eta minimoarekiko. 2023ko ekainean, langabeen kopurua 68.634 txikiagoa da 2013ko ekainean baino, eta 2007ko ekainean baino 34.424 handiagoa.



### • S E X U A

Hil arteko datuei erreparatuz, langabezia gehiago murriztu da gizonezkoen artean (-1.088) emakumeen artean baino (-808). Urteko erlazioan ere, langabeziaren jaitsiera handiagoa da gizonen artean (-3.231) emakumeen artean baino (-3.032). Gaur egun, langabeen % 58,2 emakumeak dira.

### • A D I N A

Hileko saldoaren zifrak kontuan hartuta, nabarmentzekoa da 30 urtetik beherakoen portaera ona, aurreko hilean baino % 2,32 gutxiago jaitsi baita langabezia. 30 eta 44 urte artekoen artean % 1,93 murriztu da langabezia, eta 45 urtetik gorakoen artean % 1,53. Urte arteko saldoari dagokionez, langabeziak behera egin du adin-tarte guztietan, eta 45 urtetik gorakoena izan da beherakada txikiena izan duena ( % 3,44); 30 urtetik beherakoetan, berriz, % 7,48 jaitsi da, eta 30-44 urtekoetan % 8,56.

### • J A R D U E R A E K O N O M I K O A

Ekainean nabarmentzekoa da sektore guztietan langabeziak izan duen beherakada. Aurreko enplegurik gabekoen artean izan du langabeziak jaitsiera apalena, % 0,80 hain zuzen ere; industrian (-% 3,66) eta nekazaritzan (-% 3,15), aldiz, jaitsiera nabarmenenak. Desagregazio-maila handiago batean, ekainean, nabarmen egin du behera merkataritzari lotutako langabeen kopuruak, baita egoitza-establezimenduetako eta enpleguarekin lotutako jardueretako laguntzenak ere. Haatik, gora egin du modu aipagarrian hezkuntzan eta jan eta edari-zerbitzuetan.

Iazko egoerarekin alderatuta, nabarmentzekoa da txikizkako merkataritzak izan duen jaitsiera. Langabeziak gora egin du administrazio publikoaren jardueretatik eta eraikinetako eta lorezaintzako zerbitzuetatik datozenen artean.

Xehetasun-maila handiagoan, honako hauek izan dira azken hilabeteen langabeziaren jaitsieragatik gehien nabarmendu diren jarduerak:

47	Txikizkako merkataritza	-441
87	Egoitza-establezimenduetako laguntza	-375
78	Enpleguarekin lotutako jarduerak	-369
81	Eraikinetarako zerbitzuak eta lorezaintzako jarduerak	-175
86	Osasun-jarduerak	-152

Erregistratutako langabeziaren igoeragatik nabarmentzen diren jarduerak:

85	Hezkuntza	502
56	Janari- eta edari-zerbitzuak	263
84	Herri Administrazioa eta defentsa; derrigorrezko Gizarte Segurantzak	92

### • L A N G A B E Z I A R E N I R A U P E N A

Hilabete honetan, iraupen luzeko langabezia 731 pertsonatan murriztu da (% 1,4), eta iraupen laburrekoa ere murriztu egin da; 1.165 pertsonatan hain zuzen ere. Urteko erreferentzian, jaitsiera handiagoa ikusten da iraupen luzeko langabeen kolektiboan, % 6,4 jaitsi baita (-3.629 pertsona); iraupen laburrekoak, berriz, % 4,77 egin du behera. 2022an, iraupen luzeko langabeen kopurua gutxituz joan da pixkanaka, baina oraindik 52.802 pertsona ( % 50,1) iraupen luzeko langabeak dira.

## 2023ko ekainean erregistratutako langabezia

Iraupen luzeko langabezia handiagoa da 44 urtetik gorakoen artean, emakumeen artean, eta Bizkaian bizi diren langabeen artean. Azken hilabeteen bilakaera erlatibo onena emakumeek, Gipuzkoan bizi direnek eta 30 urtetik gorako pertsonek izan dute.

### • LANGABETUEN KOKAPEN GEOGRAFIKOA

Hilabete honetan, termino absolutuetan, langabeziak behera egin du gehien Bizkaian; Araban eta Gipuzkoan, berriz, beherakada apalagoa izan da. Bizkaian 1.002 langabe gutxiago daude 2023ko maiatzean baino, 59.245 pertsona gutxiago, % 1,66ko jaitsiera. Arabak 18.544 langabe ditu, 2023ko maiatzean baino 447 gutxiago, eta % 2,35eko jaitsiera izan du. Gipuzkoan ere aurreko hilean baino 447 pertsona gutxiago daude langabezia: guztira 27.590 pertsona, % 1,59 gutxiago.

Urteko saldoan, portaerarik onena Bizkaiari dagokio, % 5,94ko jaitsiera erlatiboa izan du; ondoren, Gipuzkoa dator, % 5,93ko jaitsierarekin, eta Araba, % 4,04ko jaitsierarekin geratu da.

EAEko hiriburuen artean, termino erlatiboetan, Donostia-San Sebastianek izan du portaerarik onena, % 2,83ko murrizketarekin; ondoren, Vitoria-Gasteiz, % 2,70eko jaitsierarekin, eta, azkenik, Bilbok, % 1,51ko jaitsierarekin.

Langabeziak termino absolutuetan behera egin duelako nabarmentzen diren eskualdeak Vitoria-Gasteiz (-388) eta Bilbo (-317) dira. Beste aldean, eta hazkunde absolutu handienekin, Urola-Erdia (43 pertsona gehiago) eta Goiherri (+21 pertsona) daude.

Ekainean erregistratutako langabezia-indize handienak izan dituzten udalerriak Sestao ( % 15,73), Oion ( % 14,37), Alonsotegi ( % 14,29), Balmaseda ( % 14,19) eta Lanestosa ( % 14,17) izan dira.

### • LANGABEZIA - PRESTAZIOA

2023ko ekainean, 34.108 langabek jaso zuten langabezia-prestazioren bat, aurreko hilean baino 1.027 gutxiagok. Gaur egun, langabetu guztien % 32,4k langabezia-prestazioren bat jasotzeko eskubidea du. 18.094 langabek, guztizkoaren % 17,2k, kotizaziopeko prestazioa jasotzen dute, eta 14.404k (% 13,67ak) langabezia egoeran egoteagatik subsidioren bat jasotzen dute. Gipuzkoa da babes handiena duen lurralde historikoa, % 34,9ko tasarekin; Araban % 31,9koa da eta Bizkaian %31,4.

Aurreko hilabetearekin alderatuta, langabezia-estalduraren tasa 0,39 puntu jaitsi da, eta aurreko urtearekin alderatuta, 0,38 puntu murriztu da.

### • JATORRIA

Langabeen artean, 18.272 (% 17,3) atzerritarrak dira. Hilabete arteko bilakaerari dagokionez, atzerritarren artean % 2,60 jaitsi da langabezia tasa, eta bertakoen artean % 1,59. Urte arteko konparaketan, atzerriko langabeek % 0,58 egin dute gora, eta bertakoek % 6,81 behera.

Atzerriko langabeen % 33,3 Afrika iparraldetik datoz, % 22,2 Latinoamerikatik, % 17,1 Europako Esparru Ekonomikotik, % 12 Saharaz hegoaldeko Afrikatik eta % 6,7 Asiatik. Azken hilabeteetan, EEE-koa ez den herrialderen bateko biztanleen artean igo da gehien langabezia (+34), eta Ipar Afrikatik etorritakoen artean jaitsi da gehien (-204).

### • IKASKETA MAILA

59.267 langabek, guztien % 56,2k, asko jota, derrigorrezko hezkuntzako ikasketak dituzte. Azken hilabeteen, oinarritzko prestakuntza-maila duten langabetuak 1.226 gutxiago dira, % 2,03ko

## 2023ko ekainean erregistratutako langabezia

beherakada. Azken urtean, langabeziaren beherakada % 11,97koa izan da oinarritzko prestakuntza-maila dutenen artean.

Batxilergoa egin duten langabetuak langabeen % 7,6 dira. Azken hilabeteen % 3,19 jaitsi dira, eta azken urtean % 20,2 gutxitu dira.

Lanbide Heziketako ikasketak dituzten langabeak 25.158 dira, guztizkoaren % 24,2. Ekainean - % 3,19 jaitsi dira eta azken urtean % 20,2.

Azkenik, % 12k (12.635 pertsona) unibertsitate-ikasketak ditu. Ikasketa-maila hori duten langabetuak % 1,87 hazi dira maiatzarekin alderatuz; iazko ekainarekiko, aldiz, % 8,53 murriztu dira.

### • KONPARAKETA ESTATUKO DATUEKIN

Estatuko langabezia % 1,84 jaitsi da, 50.268 pertsona gutxiago, eta guztira 2.688.842 langabe daude erregistratuta; EAEn, berriz, erregistratutako langabezia % 1,77 murriztu da, Nafarroan, % 2,49 murriztu da, Errioxan % 2,15 jaitsi da, Kantabrian % 4,36 murriztu da eta Gaztela-Leonen % 3,93 murriztu da. Katalunian % 1,89 jaitsi da, eta Madrilén % 0,8.

#### Lan-eskatzailer langabeak 2023ko ekainean

	Eka-2023	Mai-2023	Saldoa	Bil %
<b>SEXUA:</b>				
GIZONEZKOAK	44.040	45.128	-1.088	-2,41
EMAKUMEZKOAK	61.339	62.147	-808	-1,30
<b>25 URTEZ AZPIKOAK:</b>				
GUZTIRA	15.989	16.369	-380	-2,32
GIZONEZKOAK	7.806	7.946	-140	-1,76
EMAKUMEZKOAK	8.183	8.423	-240	-2,85
<b>25-44 URTE:</b>				
GUZTIRA	30.784	31.390	-606	-1,93
GIZONEZKOAK	11.636	12.085	-449	-3,72
EMAKUMEZKOAK	19.148	19.305	-157	-0,81
<b>45 URTEZ GORAKOAK:</b>				
GUZTIRA	58.606	59.516	-910	-1,53
GIZONEZKOAK	24.598	25.097	-499	-1,99
EMAKUMEZKOAK	34.008	34.419	-411	-1,19
<b>SEKTOREA:</b>				
NEKAZARITZA ETA ARRANTZA	1.939	2.002	-63	-3,15
INDUSTRIA	10.156	10.542	-386	-3,66
ERAIKUNTZA	6.075	6.204	-129	-2,08
ZERBITZUAK	73.734	74.943	-1.209	-1,61
AURREKO ENPLEGURIK GABE	13.475	13.584	-109	-0,80
<b>LURRALDE HISTORIKOA:</b>				
ARABA	18.544	18.991	-447	-2,35
BIZKAIA	59.245	60.247	-1.002	-1,66
GIPUZKOA	27.590	28.037	-447	-1,59
<b>EAE</b>	<b>105.379</b>	<b>107.275</b>	<b>-1.896</b>	<b>-1,77</b>

# 2023ko ekainean erregistratutako langabezia

## ESKUALDEKO BILAKAERA

	Langabetuak	Erregistratutako langabezia indizea	Aurreko hilabetea		Aurreko urtea	
			Saldoa	Bil %	Saldoa	Bil %
Bajo Bidasoa	3.584	9,6%	-95	-2,58	-156	-4,17
Oarsoaldea	3.156	8,7%	-49	-1,53	-289	-8,39
Donostia-S.Seb.	6.375	7,3%	-186	-2,83	-805	-11,21
Donost.Oeste	2.770	7,3%	-81	-2,84	-183	-6,20
Tolosaldea	1.818	7,8%	12	0,66	-63	-3,35
Urola Erdia	1.168	7,6%	43	3,82	1	0,09
Goiherri	1.539	7,3%	21	1,38	-76	-4,71
Alto Deba	2.273	7,6%	7	0,31	-14	-0,61
Bajo Deba	2.571	10,0%	-25	-0,96	-10	-0,39
Urola Garaia	1.018	8,5%	-9	-0,88	-29	-2,77
Urola Kosta	1.318	5,8%	-85	-6,06	-114	-7,96
<b>GIPUZKOA</b>	<b>27.590</b>	<b>7,9%</b>	<b>-447</b>	<b>-1,59</b>	<b>-1.738</b>	<b>-5,93</b>
Vitoria-Gasteiz	13.968	11,3%	-388	-2,70	-942	-6,32
Valle de Aiala	2.037	10,9%	-55	-2,63	-139	-6,39
Rioja Alavesa	530	9,3%	-11	-2,03	-94	-15,06
LLanada Alavesa	677	8,9%	15	2,27	3	0,45
Estrib. Gorbea	290	6,0%	-5	-1,69	-28	-8,81
Valles Alaveses	383	7,3%	2	0,52	-33	-7,93
Montaña Alavesa	92	5,6%	-8	-8,00	-5	-5,15
<b>ARABA</b>	<b>18.544</b>	<b>11,2%</b>	<b>-447</b>	<b>-2,35</b>	<b>-781</b>	<b>-4,04</b>
Gobela	4.144	8,1%	-44	-1,05	-295	-6,65
Txorierrri	1.940	8,5%	-27	-1,37	-122	-5,92
Uribealdea	2.690	7,8%	-64	-2,32	-152	-5,35
Duranguesado	2.951	8,0%	-126	-4,09	-224	-7,06
Busturialdea	1.903	8,8%	-89	-4,47	-165	-7,98
Lea-Artibai	854	7,2%	-3	-0,35	-38	-4,26
Encartaciones	1.832	11,8%	-22	-1,19	-212	-10,37
Arratia-Zornotza	1.343	7,7%	-92	-6,41	-72	-5,09
Medio Nervion	1.236	9,5%	14	1,15	-74	-5,65
Bilbao	20.658	12,5%	-317	-1,51	-1.053	-4,85
Margen Izquierda	15.471	12,6%	-222	-1,41	-1.010	-6,13
Ibaizabal	4.171	10,4%	-6	-0,14	-297	-6,65
<b>BIZKAIA</b>	<b>59.245</b>	<b>10,7%</b>	<b>-1.002</b>	<b>-1,66</b>	<b>-3.744</b>	<b>-5,94</b>
<b>CAPV</b>	<b>105.379</b>	<b>9,9%</b>	<b>-1.896</b>	<b>-1,77</b>	<b>-6.263</b>	<b>-5,61</b>

\* Bizkaia eta Arabako eskualdeen batura ez dator bat lurraldeko totalarekin, Orduña udalerria Bizkaikoa izanik Arabako Aialako Ibarra eskualdean kokatzen baita.